

Rapport frå studietur for UH-Nett Vest Biblioteksamarbeidet 29.-31. oktober 2018

Deltakarar:

Frå Biblioteksamarbeidet: Therese Jelmert (NLA), Hilde Trygstad (VID), Kirsti Langstøyr (HiVolda), Marianne Nesbø Tvedt (HVL), Turid B. Hitland (HVL), Astrid Sandnes (HVL), Jesper Mørch (UiA), Kristin Dragsvik (UiS), Ane Landøy (UiB) og Joachim Børli (Student)

I tillegg deltok desse dekka av eigen institusjon: Ragnhild Vingsand (HVL), Marte Strand (UiA), Anne Beth Våga (UiS), Linn Elise Gulliksen (UiS) og Trude Færevaag (UiB) (dei to siste mandag og tysdag)



- 1) Mandag 29.10 kl.-12:30 -14:30: Besök på Det samfunnsvitenskapelige Fakultetsbibliotek. Tema: Datalab – hvordan engasjere ph.d.studenter i ein lab på bibliotek. <https://kub.kb.dk/samf>

Vi vart møtt av Ulrik Mads Hansen.

Utgangspunktet for endringa: Bøkene er i stor grad i skya (elektronisk tilgjengeleg), biblioteket er har eit tomt rom. Tre labar vart etablerte på KUB (Københavns Universitetsbibliotek): På Hum, Sam og realfag. Dei er ulike, og har ulikt fokus. Felles: Fleksibelt møblerde (fleksibilitet – fuksjonalitet – inspirasjon). Open platform og programvare frå KU. Sam: Kurs, events, fasilitering for andre organisasjonar etc. «Community building». Aktive kontaktbibliotekarar (fagreferentar). Utvikling av biblioteket som student-hub.

Utfordringar: Er dette ei bibliotekrolle? På bekostning av kva? NB: Bruk av digitalt fødde data i samfunnsvitskap.

Dette har dei lært: Det er ikkje nok å stille programvare til rådvelde, heile opplegget må selgast inn. Bruke eksisterande faglege nettverk. Fasilitering er viktig. Utvikling av ferdigheter. Rommet blir eitknutepunkt for å bringe fagaved fakultetet saman. «Data literacy» er ulik i ulike fag. Prøve og feile og analysere.

Eiga facebook-gruppefor rommet. Valg av software i samarbeid med institutta og dei faglege. Marknadsføre rommet og kursa på KU, gjennom (student)organisasjonar og forskarar.

- 2) Tysdag 30.10.kl. 09:00 – 12:00 På Københavns Universitetsbibliotek/Det Kongelige Bibliotek/ Den Sorte Diamant

Vi vart møtt av Bibliotekdirektør Kira Stine Hansen og Asger Juel Hansen

Tema 1: Organisering på tvers av landet. Hvordan organiserer menet bibliotek over flere institusjoner: Kira Stine Hansen


Tema 2: Arbeidet med Open Accessi KUB. Asger Juel Hansen

Kira Stine Hansen tok oss gjennom organiseringa av KUB, med ansvar for KU, Roskilde, Aalborg, IT-Universitetet og i samarbeid med Det Kongelige Bibliotek. I tillegg er det Syddansk, Copenhagen Business School, Danmarks Teknisk Universitet og Aarhus som har andre organiseringar.

Stikkord: Brobygging mellom kulturdept og utdanningsministeriet.

Rapport om forskingsbiblioteka si framtid, ei arbeidsgruppe frå begge departement. «Dannelse» og «OpenScience».

Internt: Kompetanseutvikling. Sentraliserte indre tenester. Lokalitet.




Asger Juel Hansen informerte om prosjektet «Open Access monitor DK 2017-2018» der biblioteket hadde gått gjennom alle publikasjonar og sjekka kven som var open access, og kva type («grøn» eller «gull»). I tilegg fortalte han om undervisninga som vart gjort om Open Access på PhD-nivå, i samarbeid med fakultetbiblioteka.

Deretter tok forskningsbibliotekar Jakob K. Meile oss med på ein omvisning i bygget.



- 3) Tysdag 30.10 kl. 13:30 – 15:30: Danmarks tekniske informasjonssenter bibliotek.
Tema: Open Science, data management osv. : Tomas Skov Jensen og Jeanette Ekstrøm.

Først tok Tomas Skov Jensen oss med på ein rundtur i biblioteket, som hadde fleire ulike typar arbeidsplassar i fire etasjer, mediarom, virtuell røyndom øvingssenter, ulike trykketenester m.v.



«Målretta service» og Forskarsupport var to kjerneomgrep. Biblioteket var oppteke av å utvikle fleire tilbod og å ha data for bruken av tenestene sine.

Libguides.dtu.dk www.bibliotek.dtu.dk

Forskarstøtte: (NB: Bibliometri var plassert i tilsvarende forskingsadm avd). Biblioteket stod for «Responsible conduct of research», «Research data management plan», og «Publication authorship and communication» (Scientific publications; Open Access; Copyright; Research Communication; Impact factors; Citation practices). Dei hjelpte også forskarane med research registration, og hadde open access forlagsversjon tilgjengeleg for innlogga.

For dei bibliotektilsette fann kompetanseutvikling stad i spennet mellom «comfort zone» og «challenge». Til dømes: Visualisering av bibliotekstatistikk; 15 minutes of data; ulike typar hands-on support og Data Management Plans support.

- 4) Sveriges Landbruksuniversitet, Alnarp, Sverige. Med: Peter Nilén, Camilla Söderquist, Kerstin Belin og Mattias Lennartsson (videolekkje).

«Att arbeta ortsövergripande: möjligheter och utmaningar» Peter Nilén og Camilla Söderquist.

Peter drog gjennom ein del tal og data som bakgrunnsinformasjon:
70 % av kostnadane går til forsking
23 studieprogram på grunnivå, 21 på avansert nivå.
Internasjonalt samarbeid, men helst mot utviklingsprosjekt (SIDA). Biblioteket er direkte involverte i to prosjekt.
Ca 3700 studentar, førehaldstal 4 stud/lærar. Strategisk mål å doble talet studentar.
563 Ph.D
Over 1600 peer reviewed artiklar I 2017
Regeringsoppdrag: Fortløpende miljøanalyse som vitskapleg grunnlag for beslutningar.
Strategi 2017-2020: Biblioteket fekk ny organisasjon 2017. Prosjekt som arbeidsform, dataverktøy som Microsoft teams, Mural, Padlet, Trello m.v.
Biblioteket delt i fire seksjonar:

- Bibliotekrommet og support
- Utdanningsstøtte
- Forskningsstøtte
- «verksamhetsstød/Library organization (system, interne tenester, e-ressursar, ux-prosjekt-metode, administrasjon)

Utfordringar: Kultur et strategi

- Intern kommunikasjon
- Effektiv ressurshandtering
- «Sammanhållning»

Virksomhetsutvikling:

Lokale bibliotek -> Hybride bibliotek -> Digitale bibliotek

Høg bemanning -> Meiropne/dels ubemanna bibliotek og service senter + digitale kundetenester (chat)

Doktorandkurs på tre stader -> webbasert doktorandkurs

«MS teams» som samarbeidsverktøy, kanaler, chat, filer. Heile biblioteket møtes til to-dagarsmøte om våren, avdelingsvis om hausten. Rutiner/opplæring for digital møtekultur/teknikk, t.d støy, dokument – viktigheten av å planlegge møtene!!

Ane Landøy og Astrid Sandnes fortalte om UH-Nett Vest Biblioteksamarbeidet og om Høgskulen på Vestlandet. Marte Strand fortalte om korleis UiA arbeider med forskingsdata.

Camilla Söderquist viste webmodular som kunne vere støtte for sjølvstendig arbeid (nokre ligg også bak innlogging i Canvas, til dømes doktorgradskurset som gav 3 ECTS) og Mattias Lennartson gjekk gjennom «systematiske oversikter light». Sjå slu.se/site/bibliotek.